

Reakcija Ministarstva odbrane BiH **Novac za olimpijadu iz lanjskog budžeta**

Povodom teksta pod naslovom „Otpušteni vojnici ne odustaju od blokiranja Vojne olimpijade“, objavljenog u našem listu u petak, 4. februara, reagiralo je Ministarstvo odbrane BiH navodeći da su u tom tekstu objavljeni netačni podaci.

Iz ovog ministarstva naglašavaju da su radi rješavanja pitanja penzionisanih vojnika poduzeli mjere u okviru svojih nadležnosti na provođenju dopuna Zakona o službi u Oružanim snagama (OS) BiH.

- Mi nemamo nadležnost za podnošenje budžetskog zahtjeva za finansiranje penzionisanih vojnika. Zakonom je regulirano da će se novac za ostvarenje njihovih prava osigurati u budžetu institucija BiH. Stoga je netačna tvrdnja da ovo ministarstvo koristi njihov novac ušteden na prijevremenom otpuštanju u druge svrhe - kaže se u reakciji.

Dodaje se da se novac za plaće, naknade i stanarine pr-



**Zgrada Ministarstva odbrane
BiH: Poduzeli mjere**

ipadnicima OSBiH za svaku godinu planira u budžetu na osnovu mjesečne dinamike Plana otpusta i popune OS. To znači da se u budžetu ne iskazuju sredstva za upražnjena radna mjesta.

- Svjetsko vojno prvenstvo u skijanju planska je aktivnost na osnovu koje je novac za njegovo održavanje ušao u odobreni budžet za 2010. godinu i nije imao nikakav utjecaj na personalne troškove - kažu u Ministarstvu.